

ՊՐՈՖ. ԴՈԿՏՈՐ Ա. ԱՔՐԱՀԱՄՅԱՆ.—«ԱՆԱՆԻԱ ՇԻՐԱԿԱՑՈՒ  
ՄԱՏԵՆԱԳՐՈՒԹՅՈՒՆԸ»

Երևան, Հայպետհրատ, 1944 թ.

VII դարի հայտնի հայ գիտնականներից աչքի է ընկնում Ա. Շիրակացին իր աշխատություններով: Եւ արդեն հանրածանոթ բան է: Պարզ է, որ Ա. Շիրակացու աշխատությունների լրիվ ու ստուգված ժողովածուն կազմելը շատ դժվար և միևնույն ժամանակ շատ շնորհակալ աշխատանք է: Այդ աշխատել է իրականացնել պրոֆ. զոկոտ. Աշ. Աբրահամյանն իր «Անանիա Շիրակացու մատենագրությունը» աշխատությամբ:

Հաջողվել է արդյոք նրան հարցի բավարար լուծումը: Ցավոք սրտի պեսք է ասել, որ ոչ: Ա. Շիրակացուն անկասկած պատկանող աշխատությունները հայտնի էին վաղուց, իսկ հեղինակի կողմից նոր երևան բերված հոդվածները մեծ մասով Ա. Շիրակացուն չեն պատկանում: Բացի դրանից ընկ. Աշ. Աբրահամյանը վերագրելով այդ «նոր աշխատությունները» Ա. Շիրակացուն, ցանկացել է, իրոք թե, ավելի ևս ժեծացնել Ա. Շիրակացու հարգն ու նշանակությունը, բայց ստացվել է տրամադժորեն հակառակը՝ նա ստորացրել և, մինչև անգամ, տղայամիտ է դարձրել Ա. Շիրակացուն: Բերենք մի քանի ցայտուն օրինակներ: Մենք կանգ կառնենք միմիայն տոմարական և աստղաբաշխական աշխատությունների վրա: Բայց որպեսզի ոչ մասնագետ ընթերցողին պարզ լինի թույլատրված սխալները, մի քանի խոսքով բացատրենք հարցի էությունը:

325 թ. Նիկիա քաղաքի առաջին տիեզերական ժողովում ընդունվեցին քրիստոնեության հիմնական սկզբունքները և եկեղեցական տոների կարգը: Այդ ժամանակաշրջանում համարյա թե բոլոր քրիստոնյա ժողովուրդները ղեկավարվում էին Հուլյան տոմարով կամ այնպիսի տոմարական սխալներով, որոնք արդեն համաձայնեցված էին Հուլյան տոմարի հետ և միմիայն հայ ժողովուրդն էր, որ պահպանել էր իր ազգային հին տոմարը շարժական տարեմստի օրով: Նիկիայի ժողովից հետո հանձնարարվեց Անդրեաս Բյուզանդացուն կազմել առաջիկա տարիների համար տոների ցուցակը: Այդպիսին նա կազմեց 200 տարվա համար, որը հավանություն ստացավ և գործի դրվեց, սկսած 353 թվականից մինչև 552-ը ներառյալ: Իսկ որ Անդրեաս Բյուզանդացու ցուցակը կազմված էր այնպես, որ 200 տարին լրանալուց հետո նորից օգտվել նրանով անհնարին էր, ապա 552 թվականից հետո եկեղեցական կյանքում առաջացավ տոմարական շփոթություն: 561 թ. այդ շփոթությանը վերջ դնելու նպատակով Ալեքսանդրիա քաղաքում (Եգիպտոս) հրավիրվեց 36 մասնագետներից մի հանձնաժողով հասի ղեկավարությամբ, որը մշակեց և ընդունեց այսպես կոչված Ցեղեկագիրը:—7

532-ամյա շրջանը՝ Միաժամանակ նույնանման աշխատանք կատարվեց և Իսիական ղեկավարությունը՝ Բյուզանդիայում, որը նույնպես ընդունեց 532 ամյա շրջանը, բայց առաջինի համեմատությամբ փոքր տարբերություններով։ Երկրի ծանր քաղաքական վիճակի պատճառով հայերը չկարողացան մասնակցել այդ հանձնաժողովների աշխատանքներին։ Սակայն հայ եկեղեցին էլ հետաքրքրվում էր այդ հարցերով և անտարբեր մնալ չէր կարող։ 584 թ. կաթողիկոս Մովսես Եղվարդացին այդ հարցը քննելու համար Դվին քաղաքում հրավիրում է հատուկ ժողով։ Դանի որ արդեն գոյություն ունեին երկու պատրաստի ցուցակներ, ժողովին մնում էր միայն ընտրել այդ երկուսից մեկը և Դվինի ժողովը հավանություն է տալիս Էասի ցուցակին և աշխատանքների կատարումը հանձնարարում է Աթանաս Տարոնեցուն, Դլակա Ս. Գարապետի վանքի վանահորը, որը համարվում էր հմուտ և գիտուն տոմարագետ։ Աշխատանքն այն էր, որ Էասի ցուցակի տոնական օրերը պետք է տրվեին հին հայկական շարժական տոմարի ամսաթվերով, սկսած 552 թվականից (Հուլյան տոմարի ամսաթվերի փոխարեն, որպիսին հայ ժողովուրդը չէր ընդունում)։ Աթանաս Տարոնեցին շատ հաջող կերպով կատարում է այդ աշխատանքը և նրա կազմած ցուցակով հայերը ղեկավարվում էին մինչև  $551 + 532 = 1083$  թ. ներառյալ՝ Մենք տեսնում ենք, որ այդ բոլոր աշխատանքները կատարվեցին մինչև VI դարի վերջը, երբ Ան. Շիրակացին դեռ ծնված չէր։ Այսպիսով 552-ից սկսած նոր եայկական դարագլուխ բնդունելու և 532-ամյա շրջանի առաջին ցուցակ կազմելու հետ մեկտեղ, Սիրակացին ոչ մի սառնություն ունենալ չէր կարող։ Այդ կարծիքին էր և ինքն Ան. Շիրակացին, որն իր տոմարական աշխատությունների շրջանում գրում է, որ Հուստինիանոս կայսրի թագավորության 34-րդ դարում Անդրեասի ցուցակը լրանալուց հետո եկեղեցական առաջնորդները կարգեցին այլ յարմարումն թուոց և տոնից հանապարհ անմուտք... Արդ մերումն կարգեցան այն ամն թուակոն ժ և այն ժողովեցան մինչև ցայս ամս։<sup>1</sup> Նույնը Ան. Շիրակացին ասում է 3—4 այլ գլուխներում։

Հնկեր Անտ Արրահամյանը ճիշտ մոտեցում է ցուցաբերել 1940 թ. «Տիեզերագիտություն և տոմար» աշխատությունը լույս ընծայելիս՝ եվ անհասկանալի է թե ինչպե՞ս է նա իրեն թույլ տվել Ան. Շիրակացուն վերագրելու հայոց թվականության հիմնադրման հեղինակությունը,<sup>2</sup> երբ մինչև անգամ տոմարական հարցերին թեթևակի ծանոթ մարդու համար էլ պարզ է, որ այդ բռնադատիկ կլիներ։ Սխալը բռնելու ամենապարզ ձևը հետևյալն է. հայերի մոտ Հայտնության տոնը միշտ եղել է անշարժ—հունվարի 6-ին։ Այն ինչ Շիրակացուն վերագրվող «Տոմարական պատառիկում» հայտնության օրը չորս տարին մեկ օրով առաջ է խաղում, որը յուրահատուկ էր միմիայն հին շարժական հայկական տոմարին։ Այստեղից թիվում է երկրորդ հարցը, որը մենք ցանկանում ենք առաջադրել ընկ. Ս. Արրահամյանին. բոլոր հայ պատմագիրները նշում են, որ Անաստաս պատրիարքի (մոտ 668 թ.) հանձնարարությամբ Ան. Շիրակացին հին հայկական շարժական տոմարը վե-

<sup>1</sup> Տե՛ս «Ուսումնասիրության հիմնական հարկացությունները», կետ 24, էջ 178 և «ՇԼԲ բոլորակ Անանիայի Շիրակաց(ւոյ) համարողի», էջ 262—281։

<sup>2</sup> Տե՛ս «Տիեզերագիտություն և տոմար», Հայպետհրատ, 1940 թ. աշխատ. պատմ. գիտ. քնն. Աշ. Արրահամյանի։

րածեց անշարժի, որը, սակայն, կյանքում չիրագործվեց: Ապա ինչպես զավ, որ Ա. Շիրակացու անշարժ տոմարի պատառիկի փոխարեն մեղ հասավ նրանից շարժական տոմարի պատառիկ:

Ընկ. Աշ. Արրահամյանը թյուրիմացության մեջ ընկնելով՝ Աթանաս Տարոնեցու աշխատությունը վերագրել է Ան. Շիրակացուն: Նույնպիսի թյուրիմացության հետևանքով Ան. Շիրակացուն է վերագրված ե այլ ժողովուրդների տոմարի պատճենները, որը հենց առաջին ցուցակից միսք հոռոմոց և յարկայրս սլարգ երևում է, որ դա XII դարից ոչ վաղ գրված մի աշխատանք է. հայկական նավասարդ ամիսը համընկնում է հռոմեական օգոստոս ամսվա հետ և տրված են «ամիսք արարացւոց» ու «ամիսք տաճկաց», որոնց մասին Ա. Շիրակացին գաղափար ունենալ չէր կարող (էջ 116—122):

Այդ սխալը ևս ցայտուն կերպով աչքի է ընկնում այսպես կոչված «Ստվերաչափության ժամացուցակները» գլխում (էջ 123—126):

Առաջին երկու շրջանակներում տրված են հայկական ու հռոմեական ամիսների համապատասխանությունը հետևյալ կերպ.

| աբաց     | մեհեկի   | աբե  |        |
|----------|----------|------|--------|
| յունուար | փետրուար | մարտ | և այլն |

դա կարող էր միայն լինել Հովհ. Սարկավագից հետո (այսինքն XI դարից հետո): Նույնը ապացուցվում է և նշանակած ամենակարճ ստվերի ժամկետով՝ յունիս—մարգաց. այն ինչ Ան. Շիրակացին ցույց կտար նավասարդ ամսվա համար՝ նրա ժամանակ հայկական նավասարդը համընկնում էր հունիս ամսվա հետ:

Մենք կանդ առանք տոմարական մի քանի դիտավոր և կոպիտ սխալների վրա, բայց նույնը կարելի է կրկնել բոլոր «առնարան» կտորների մասին: Սխալը, իհարկե, Ան. Շիրակացունը չէ, այլ ընկ. Աշ. Արրահամյանինը, որը աններելի կերպով ամեն ինչ վերագրել է նրան լինի դա VI դարի կամ XII դարի աշխատանք:

Անցնենք աստղարաշխականին: Երբ 1940 թ. լույս տեսավ ընկ. Ա. Արրահամյանի «Տիեզերադիտություն և տոմար» աշխատությունը, մենք ողջունեցինք այդ հաշվի առնելով, որ դա հանդիսանում է իրոք Ան. Շիրակացու աշխատության հարազատին մոտ տեքստը, և որ այդ տեքստով վերացվում էին այն սխալները, որոնք գոյություն ունեին պրոֆ. Բ. Պատկանյանի «Մնացորդք բանից» բերած տեքստում: Սակայն իր նոր աշխատության մեջ ընկ. Ա. Արրահամյանը նորից կրկնում է Պատկանյանի տեքստը, որպես նոր հայտարարված: Հարց է ծագում, ինչ կարիք կար Պատկանյանի աշխատությունը դատել երկու մասի ե առանձին-առանձին հրատարակել: Ծիշտ է, պրոֆ. Պատկանյանի տեքստում մոտ տասը նախադասություն բավարար տրված չէ, բայց լավ չէ՞ր լինի արդյոք քննադատական կերպով ուղղել և լրացնել պրոֆ. Պատկանյանի տեքստը, քանի որ դեռ ստուգված չէ, թե ով է ավելի ճիշտ կարդացել տեքստը՝ ընկ. Ա. Արրահամյանը, թե պրոֆ. Բ. Պատկանյանը:

Ահա այդ լրացուցիչ և կասկածելի գլուխներն են, որոնք Ա. Շիրակացու դերը պիտության ասպարեղում նսեմացնում են և նրան պաակե-

բռնում որպես անհասկացող մեկի, որը կրկնում է բառերը առանց հասկանալու նրանց իմաստը: Բերենք երկու օրինակ, որպեսզի ինքը ընթերցողը կարողանա դատել:

1) ա. Գիշերվա մթության մասին Ան. Շիրակացին տալիս է լակոնական ձևի գիտական բացատրություն. «ստուերք երկրի պատճառ է գիշերոյ»... («Տիեզ. և տոմար», էջ 54)

բ. «Արեղակը մայր մտնելիս ծածկվում է խավար օդով այնքան ժամանակ, մինչև դալիս է լուսավոր օդը և ցրում խավարը» (Ան. Շիր. մասենագր., էջ 113):

2) ա. Ան. Շիրակացին երգիծաբանորեն կծու կերպով ծաղրանքի է ենթարկում ընդ որ տիպի աստղագետներին (астрологов). «քանզի վրիպեալ զարտուղին խորհուրդք նոցա բազմութեամբ երազախաղաց ժամունքն իւրեանց. զի երազութիւն երազախոխան աղգութեանց նոցա յապուշ և յիմարութիւն կործանեաց զնոսա, և լինելոյ յայպն կատականաց դատարկացոյց մշտնջենաւորութեան ի սնոտիս: Եւ ես դարմանամ թէ զիարդ այնպէս դատարկացեալք ի դործոյ են միշտ գհետ սնոտեաց առանց ամօթոյ և պատկասութեան»<sup>1</sup>...

բ. Փայլածուն յորժամ ղվարսն ցուցանէ, զոր ոմանք գիտավոր կոչեն, և առնու զդէսսն իբրև զդալի, զի զլոյսն յինքն առնու, մեծ պատերազմունք և արիւնհեղութիւնք գան երկրի, և տազնապ յոր և իցէ՝ կամ խոյն, յորում են աստեղք եւթն, եթէ հայիս և տեսանիս գեթն և զչորս այլ գուդեալ առ իրեարս, գիտասջիր՝ զի եկեալ հասեալ են թշնամիք և զքեզ պատեալ, և գիտասջիր՝ զի խաղաղութեան մնաս»<sup>2</sup> և այլն:

«բռնվ նշանակված են ընկ. Աշ. Աբրահամյանի 1940 թվից հետո «նոր հայանարեբված» տեքստերը:

Ընկ. Ա. Աբրահամյանը ցանկանալով տալ Ան. Շիրակացու աշխատությունների լրիվ ժողովածուն, չի կարողացել հաղթահարել առաջ եկած դժվարությունները և հարցն այնպես է խնդել, որ նորից Ան. Շիրակացու ավտորիտետը վերականգնելու համար անհրաժեշտ է երկար տարիների լուրջ աշխատանք:

ՀԱՅԿԱՍՏԱՆԻ ԳԻՏԱԿԱՆ ԳՐԱԴԱՐԱՆ  
ԳԻՏԱԿԱՆ ԳՐԱԴԱՐԱՆԻ ԴԻՐԱՎՈՐ  
Լ. ՍԻՄՅՈՆՈՎ

<sup>1</sup> Տես «Տիեզ. և տոմար» էջ 19—31:

<sup>2</sup> Տես «Ան. Շիրակացու մասենագր.», էջ 331—332 և այլն: